

卷十

書名 春秋左傳註疏六十卷
 撰者 晉 杜預 注, 唐 陸德明 音義, 唐 孔穎達
 疏
 卷 卷十
 內容分類 經 春秋 春秋左傳 唐
 索書號 經部 彙刻 1
 編號 A 297500

[彩色首頁1](#)

[東洋文化研究所漢籍目錄 編號: A 297500](#)

[東洋文化研究所漢籍目錄所藏漢籍善本全文影像資料庫 索書號: 經部 彙刻 1](#)

[漢籍善本全文影像資料庫文本春秋左傳註疏六十卷](#)

版權所有: [東京大學](#) [東洋文化研究所](#)

[使用上的注意事項](#)

春秋左傳註疏卷第一

晉杜氏註

唐孔穎達疏

春秋序

釋例序之陸曰此元凱所作既以釋經故依例音
 今不用或云春秋序或云左氏傳序或云春秋經傳
 集解序或云春秋左氏傳序按晉宋古本及今
 定本並云春秋左氏傳序今依用之南人多云
 此本釋例序後人移之於此且有題曰春秋釋
 例序置之釋例之端今所不用晉太尉劉寔與
 杜同時人也宋大學博士賀道養去杜亦近俱
 為此序作註題並不言釋例序明非釋例序也
 又晉宋古本序在集解之端徐邈以晉世言五
 經音訓為此序作音且此序稱分年相附隨而

春秋左傳註疏卷第九 終

春秋左傳註疏卷第十

莊二十三年 盡三十二年

晉杜氏註

唐孔穎達疏

經二十有三年春公至自齊 無傳

祭叔來聘 無傳 穀梁以祭叔為祭公來聘魯天子內

臣不得外交故不言使不與其得使聘 為于偽反

穀梁至使聘 ○正義曰諸言聘者皆言某侯使

某來聘此不言使左氏無傳故取穀梁為說穀梁

傳云其不言使何也天子之內臣也不正其外交故

不與使也然則言內臣不得外交必是畿內之國畿

祭火充

卷之十

及古閣

弟此祭叔或是祭公之弟故以為為祭公來聘天子內臣不得外交諸侯故不言使不與其得使聘也魯受其聘行其禮故書聘耳二十五年陳女叔來聘嘉之故不名此無可嘉亦稱叔者杜意叔為名為字無以可知故不明言

夏公如齊觀社 **齊因祭社蒐軍實故公往觀之**

因至觀之。正義曰魯語說此事云夫齊棄太公之法而觀民於社孔晁云聚民於社觀戎器也襄二十四年傳稱楚子使遠啓疆如齊齊社蒐軍實使客觀之知此亦然故公往觀之釋例曰凡公出朝聘奔喪會葬皆但書而不言其事此春秋之常然則喪葬常事故不書觀社非常故特書 **公至自齊**

無傳

荆人來聘 **無傳不書荆子使某來聘君臣同辭者蓋**



楚之始通未成其禮 **不書至其禮**。正義曰釋例曰楚之君臣最多混錯此

乃楚之初興未閒周之典禮告命之禮自生同與楚武王熊達始居江漢之間然猶未能自同列國故稱荆敗蔡師荆人來聘從其所居之稱而總其君臣是言楚之始通未成其禮之意言君臣同辭者此云荆人來聘是臣來也僖二十一年楚人使宜申來獻捷言使則是君也而經亦書楚人是君臣同辭

公及齊侯遇于穀 **無傳**

音谷

蕭叔朝公 **無傳蕭附庸國叔名就穀朝公故不言來**

凡在外朝則禮不得具嘉禮不野合 **蕭附至野**

無爵而稱朝知是附庸國也邾儀父貴之乃書字此無所貴知叔為名也公羊傳曰其言朝公何公在外也文連遇于穀是就穀朝公穀是齊地故不言來也定十四年大蒐于比蒲邾子來會公比蒲魯地故言

來也穀梁傳曰朝於廟正也於外非正也是言在外
行朝則禮不得具定十年傳稱嘉樂不野合知嘉禮
亦不野合嘉禮謂善禮非五
禮之嘉也朝於五禮屬賓

秋丹桓宮楹桓公廟也楹柱也音盈

冬十有一月曹伯射姑卒無傳未同盟而赴以名射


示亦反又音亦

十有二月甲寅公會齊侯盟于扈無傳扈鄭地在榮

陽卷縣西北○扈音戶卷音權字林丘權反韋昭丘云反說文丘粉反

傳二十三年夏公如齊觀社非禮也曹劌諫曰不可

夫禮所以整民也故會以訓上下之則制財用之節



貢賦多少朝以正班爵之義帥長幼之序征伐以

討其不然不然不用命○長丁○夫禮至不然○

所以整理天下之民民謂毗庶貴賤者皆是也諸侯會聚所謀皆是尊王室修臣禮故會以訓上下之則以諸侯事天子訓在下事其君也於會必號令諸國出貢賦多少即是制財用之節度也禮使小國朝大國是朝以正班爵之等義也爵同則小國在下是帥長幼之次序也諸侯之序以爵不以年此言長幼謂國大小也沈氏云爵同者據年之長幼故云帥長幼之序不朝不會則征討之故言征伐以討其不然

諸侯有王從王事王有巡狩省四方以大習之

大習會朝之禮非是君不舉矣君舉必書書於

策書而不法後嗣何觀○晉桓莊之族偪桓叔莊

伯之子孫彊盛逼公室

○偏彼力反

獻公患之士蔿曰

去富子則羣公子可謀也

已

士蔿晉大夫富子二

族之富彊者

○蔿子委反去起呂反下同

公曰爾試其事士蔿與

羣公子謀譖富子而去之

已

以罪狀誣之同族惡其

富彊故士蔿得因而間之用其所親為譖則似信離

其骨肉則黨弱羣公子終所以見滅

○惡烏路反○間間廁之間

秋丹桓宮之楹

經二十有四年春王三月刻桓宮桷

已

刻鏤也桷椽也

將迎夫人故為盛飾

○刻音克桷音角字林云齊魯謂椽為桷椽直專反

已

鏤至盛飾○正義曰釋器云金謂之鏤木謂之刻刻木鏤金其事相類故以刻為鏤也桷謂之椽椽即椽也穀梁傳曰刻桷非正也夫人所以崇宗廟也取非禮與非正而加之於宗廟以飾夫人非正也刻桓宮桷丹桓宮楹斥言桓宮以惡莊也是言丹楹刻桷皆為將逆夫人故為盛飾

葬曹莊公

已 無傳

夏公如齊逆女

已

無傳親逆禮也

已

親逆禮也○正義曰公羊傳曰何

以書親逆禮也親逆是正禮有故得使卿逆亦無譏也

秋公至自齊

已

無傳八月丁丑夫人姜氏入

已

哀姜也

公羊傳以為姜氏要公不與公俱入蓋以孟任故丁

丑入而明日乃朝廟

○要於遙反任音壬後孟任皆同

已

哀姜至朝廟○正

義曰公羊傳曰其言入何難也其難奈何夫人不可
 使入與公有所約然後入唯言有所要不知要何事
 故云蓋以孟任故也明日戊寅大夫宗婦覲用幣夫
 人若未朝廟不得受臣覲禮知明日乃朝廟既朝乃
 見大夫宗婦杜言朝廟者為覲用幣發也書入不書
 至者釋例曰莊公顧割臂之盟崇寵孟任故即位二
 十三年乃娶元妃雖丹楹刻桷身自納幣而有孟任
 之嫌故與姜氏俱反而與入經所以不以至禮書也


戊寅大夫宗婦覲用幣 **宗婦同姓大夫之婦禮小**
 君至大夫執贄以見明臣子之道莊公欲奢夸夫人

故使大夫宗婦同贄俱見

賢○覲徒歷反見也以見賢遍反下同夸苦瓜反

宗婦

宗婦至俱見○莊義曰襄二年葬齊姜傳稱齊侯使諸姜宗婦來送葬諸姜是國難之女知宗婦是同姓大夫之婦也禮小君至大夫執贄以見明臣子之道禮亦無此文士相見禮稱大夫始見於君執贄夫



人尊與君同臣始為臣有見君之禮明小君初至亦
 當有禮以見也且傳唯譏婦贄不宜用幣不言覲之
 為非知其禮當然也大夫當用羔鴈用幣亦為非禮
 也莊公欲奢夸夫人故使男女同贄惡其男女無別
 且譏諳為失禮故書之

大水 **無傳**

冬戎侵曹 **無傳**

曹羈出奔陳 **無傳** 羈蓋曹世子也先君既葬而不稱

爵者微弱不能自定曹人以名赴

○正義曰此事

左氏穀梁並無傳公羊以曹羈為曹大夫三諫不從
 而出奔杜以此經書曹羈出奔陳赤歸于曹與鄭忽
 出奔衛突歸于鄭其文相類故附彼為之說蓋為疑
 辭微弱不能自定曹人以名赴亦如鄭忽之出奔


赤歸于曹註無傳赤曹僖公也蓋為戎所納故曰歸

釋赤曹至曰歸○正義曰史記曹世家與年表皆云僖公名夷三家經傳有五而皆言赤杜以鄭突類之知赤是曹君故以赤為僖公書有舛誤何必史記是而杜說非也傳例曰諸侯納之曰歸以戎侵曹而赤歸故云蓋為戎所納也賈逵以為羈是曹君赤是戎之外孫故戎侵曹逐羈而立赤亦以意言之無所據也

郭公註無傳蓋經闕誤也自曹羈以下公羊穀梁之說

既不了又不可通之於左氏故不采用釋蓋經至義曰公羊穀梁並以赤歸于曹郭公連文為句言郭公名亦失國而歸于曹是為說不了故不采用

傳二十四年春刻其桷皆非禮也註并非丹楹故言



釋并非丹楹故言皆○正義曰穀梁傳曰禮楹

黝楹黑色也黝黃色又曰禮天子之桷斲之斲之加密

石焉諸侯之桷斲之斲之大夫斲之士斲本刻桷非

正也加密石註云以細石磨之晉語云天子之室斲

其椽而斲之加密石焉諸侯斲之大夫斲之士首之

言雖小異要知正禮楹不御孫諫曰臣聞之儉德之

丹桷不刻故云皆非禮也

共也修惡之大也註御孫魯大夫

釋御孫魯大夫○御魚呂反本亦作禦修曰紙反又

戶氏反**先君有共德而君納諸大惡無乃不可乎**註以

不丹楹刻桷為共○秋哀姜至公使宗婦覲用幣非

禮也註傳不言大夫唯舉非常釋傳不至非常○

云夫下大夫相見以鴈上大夫相見以羔如士相見之禮始見於君執贄鄭玄云士大夫一也如彼禮文

大夫始見於君用羔鴈始見夫人亦當然則大夫用幣亦非常而以大夫為常者禮孤執皮帛則諸侯之臣有執帛者矣大夫執帛唯上僭耳其帛猶是男子所執婦人執幣則全非常事御孫唯諫婦人不宜執幣丘明為諫發傳故唯舉非常也左傳諸為御孫諫者或言諫曰或不言諫意在載辭不為例也御孫

曰男贄大者玉帛

注公侯伯子男執玉諸侯世子附庸孤卿執帛

○贄真 **注**公侯至執帛 ○正義曰周禮大宗伯職云公執桓圭侯

執信圭伯執躬圭子執穀璧男執蒲璧是公侯伯子男皆執玉也典命職曰凡諸侯之適子誓於天子攝其君則下其君之禮一等未誓則以皮帛繼子男公之孤四命以皮帛眠小國之君是諸侯世子與孤卿執帛也附庸雖則無文而為一國之主來則謂之為朝未有爵命不合執玉明與世子同執帛也且哀七年傳稱禹合諸侯於塗山執玉帛者萬國附庸是國明執帛者附庸也鄭玄周禮注云皮帛者束帛而表



以皮為之飾皮虎豹皮帛如今璧色繪也周禮以玉作六瑞以禽作六贄則瑞贄有異而此傳玉帛同言贄者鄭玄曲禮注云贄之言至也當謂執之見人以表至誠也典瑞注云瑞節信也禮天子執冒以見諸侯諸侯執圭璧以朝天子天子以冒冒之以為信故以瑞為名皮帛以下無此合信之事故以贄為名其實皆以表至誠故傳通以贄言 **小者禽鳥** 卿執羔之凡贄皆以爵不以名數也

大夫執鴈士執雉 **注**卿執至執雉 ○正義曰周禮

羣而不失其節鴈取其類鴈取其候時而行雉取其守介而死不失其節鵞取其不飛遷雞取其守時而動曲禮曰飾羔鴈者以績言天子之臣飾羔鴈以布又畫以章之諸侯之臣飾以布不畫之自雉以下無飾 **以章**

物也 **注**章所執之物別貴賤 ○別彼 **女贄不過榛栗**

棗脩以告虔也 **注**榛小栗脩脯虔敬也皆取其名以

示敬

○榛側中反脩鍛脯
疏曰曲禮云婦人之贊棋

榛脯脩棗栗鄭玄云婦人無外事見以羞物也棋榛

木名棋枳也有實今邳郟之東食之榛實似力而小

鄭又註周禮腊人云薄析曰脯種之而施薑桂曰鍛

脩然則脩脯大同故以脩為脯也虔敬釋詁文皆取

其名以示敬者先儒以為栗取其戰栗也棗取其早

起也脩取其自脩也唯榛無說蓋以榛聲近虔取其

虔於事也今男女同贄是無別也男女之別國之大節也

而由夫人亂之無乃不可乎○晉士蔿又與羣公子

謀使殺游氏之二子**註**游氏二子亦桓莊之族士蔿

告晉侯曰可矣不過二年君必無患

經二十有五年春陳侯使女叔來聘**註**女叔陳卿女氏

叔字○女音汝
陳大夫氏

夏五月癸丑衛侯朔卒**註**無傳惠公也書名十六年與

內大夫盟于幽

六月辛未朔日有食之鼓用牲于社**註**鼓伐鼓也用牲

以祭社傳例曰非常也**註**伐至常也○正義曰尚

如此之類言用牲者皆用之以祭知此用牲以祭社


也鼓之所用必是伐之代理可見故不言伐鼓牲不

言用則牲無所施於文不足故言用牲傳稱正月之

朔慝未作日有食之於是乎用幣于社伐鼓于朝正

月謂周六月也此經雖書六月杜以長歷按之此是

其處也社應用幣而於社用牲非所用也一舉而有三失故譏之



伯姬歸于杞無傳不書逆女逆者微

秋大水鼓用牲于社于門門國門也傳例曰亦非常

也侯立五祀其門皆曰國門知此門亦國門國門

謂城門也傳稱天災有幣無牲非日月之肯不鼓則鼓與牲二事皆失故譏之


冬公子友如陳無傳報女叔之聘諸魯出朝聘皆書

如不果彼國必成其禮故不稱朝聘春秋之常也公

子友莊公之母弟稱公子者史策之通言母弟至親

異於他臣其相殺害則稱弟以示義至於嘉好之事

兄弟篤睦非例所興或稱弟或稱公子仍舊史之文



也母弟例在宣十七年○好呼報疏報女至七年

朝聘多有在道復者假令得到彼國尚不知受之以

否故皆書如如者往也直言往彼而已不果彼國必

成其禮故不稱朝聘為春秋之常也僖二十八年公

朝于王所朝訖乃書故即稱為朝此公子友莊公之

母弟也於莊世稱公子昭元年陳公子招陳哀公母

弟也於哀世稱公子故解之稱公子者史策之通言

也釋例曰庶弟不得稱弟而母弟獨稱公子秦伯之

弟鍼適晉女叔齊曰秦公子必歸此公子亦國之常

言得兩通之證也是言公子母弟得通言之意也釋

例又曰兄而害弟則稱弟以章兄罪弟又害兄則去

弟以罪弟身統論其義兄弟二人交相殺害各有曲

直存弟則示兄曲也是言其相殺害則稱弟以示義

也釋例又曰若夫朝聘盟會嘉好之事此乃兄弟之

篤睦非義例之所與故仍舊史之策或稱弟或稱公

子踐土之盟叔武不稱弟此其義也案經桓三年齊

侯使其弟年來聘十四年鄭伯使其弟語來盟成十

年大亮

年衛侯之弟黑背帥師侵鄭彼皆稱弟季友陳招並稱公子俱無褒貶所稱不同知是史文之與不為義例仲尼無所見義故仍舊史耳

傳二十五年春陳女叔來聘始結陳好也嘉之故不

名季友相魯原仲相陳二人有舊故女叔來聘季


友冬亦報聘嘉好接備卿以字為嘉則稱名其常也

○相魯息亮反下同 ○夏六月辛未朔日有食之鼓用牲于社

非常也非常鼓之月長歷推之辛未實七月朔置

閏失所故致月錯文十五年昭十七年皆書六月

朔日有食之昭十七年傳稱祝史請所用幣昭子許之平子禦之曰止也唯正月朔慝未作日有食之於



是乎有伐鼓用幣禮也其餘則否太史曰在此月也

經書六月而史言在此月則知傳言正月之朔慝未

作者謂此周之六月夏之四月也文十五年傳直說

天子諸侯鼓幣與禮不言非常知彼言六月直六月

也此亦六月而云非常下句始言唯正月之朔有用

幣伐鼓之禮明此經雖書六月實非六月故云非常

鼓之月長歷推此辛未為七月之朔由置閏失所故

致月錯不應置閏而置閏誤使七月為六月也釋例

曰莊二十五年經書六月辛未朔日有食之實是七

月朔非六月故傳云非常也唯正月之朔有用幣伐

氏入從彼推之則六月辛未朔非有差錯杜云置閏

氏入從彼推之則六月辛未朔非有差錯杜云置閏

氏入從彼推之則六月辛未朔非有差錯杜云置閏

失所者以二十四年八月以前誤置一閏非是八月以來始錯也 唯正月之朔慝未作註正月夏之四月周之六月謂正陽之月今書六

月而傳云唯者明此月非正陽月也慝陰氣註正月建巳之月慝他註正月至陰氣註正義曰昭十七得反夏戶雅反註年傳太史論正月之事云當夏四月是謂孟夏知正月是夏之四月周之六月也詩云正月繁霜鄭玄云夏之四月建巳純陽用事是謂正

月為正陽之月慝惡也人情愛陽而惡陰故謂陰為惡故曰慝陰氣也未作謂陰氣未起也 日有食之於是乎用幣于社伐鼓于朝註日食歷之常也

然食於正陽之月則諸侯用幣于社請救於上公伐鼓于朝退而自責以明陰不宜侵陽臣不宜掩君以

示大義註日食至大義註正義曰古之歷書十矣三分月之二十而日月交會近世為歷者皆以為一百七十二日有餘而日一食是日食者歷之常也古

之聖王因事設戒夫以昭昭大明照臨下土忽爾殲亡俾晝作夜其為怪與莫斯之甚故立求神請救之禮責躬罪已之法正陽之月陽氣尤甚於此尤甚之

月而為弱陰所侵故尤忌之社是上公之神尊於諸侯故用幣于社請救於上公伐鼓于朝退而自攻責也日食者月揜之也日者陽之精月者陰之精日君

道也月臣道也以明陰不宜侵陽臣不宜揜君以示大義也昭二十九年傳曰故有五行之官是謂五官實列受氏姓封為上公祀為貴神社稷註秋大水鼓


五祀是尊是奉故杜以社為上公之神註失常禮凡天災有幣無

用牲于社于門亦非常也註失常禮凡天災有幣無

牲註天災日月食大水也祈請而已不用牲也註天

災至牲也。○正義曰：傳言亦非常，亦上日食也。但日食之鼓，非常月伐鼓于社，非常禮。大木用牲，亦非常禮。俱是，非常故亦前也。傳既亦前，即發凡例。知天災之言，兼日食、大水也。天之見異，所以譴告人君。欲令改過修善，非為求人飲食。既遇天災，隨時即告。唯當告請而已。是故有幣、無牲。若乃亢旱歷時，霖雨不止。然後禱祀羣神，求弭災沴者，設禮以祭。祭必有牲。詩云：「漢之篇美，宣王為早禱，請自郊祖，宮無所不祭。」云：「靡神不舉，靡愛斯牲。」是其為早禱祭皆用牲也。祭法曰：「埋少牢於泰昭，祭時也。」相近於坎壇祭寒暑也。王宮祭日也。夜明祭月也。幽祭星也。雩祭水旱也。鄭玄云：「凡此以下皆祭用少牢。」寒暑不時，則或禳之。或祈之，是說祈。非日月之肯不鼓。肯猶災也。月侵日為肯。陰陽逆順之事，賢聖所重，故特鼓之。○肯所

疏 肯猶至鼓之。○正義曰：易稱是謂災，肯書稱肯災肆赦，是肯災相類，故云肯猶災也。月侵日為肯。



陰犯陽為逆，逆順之事，賢聖所重，故見其逆事而特鼓之。此據日食為說耳。傳稱日月之肯，日月並言，則日月食亦有鼓。周禮大僕職云：「凡軍旅田役贊王鼓，救日月亦如之。」是日食月食皆有鼓也。穀梁傳曰：「天子救日置五麾，陳五兵五鼓，諸侯置三麾，陳三鼓。」三兵大夫擊門，士擊柝。左氏雖無傳，義或然也。○晉士為使羣公子盡殺游氏之族，乃城聚而處之。聚

晉邑。○聚才。冬晉侯圍聚，盡殺羣公子。卒如士為

之計

經二十有六年春公伐戎。無傳。

夏公至自伐戎。無傳。


曹殺其大夫。無傳。不稱名，非其罪，例在文七年。

稱至七年○正義曰文七年傳稱書曰宋人殺其大夫不稱名衆也且言非其罪也是仲尼新意變例也
秋公會宋人齊人伐徐無傳宋序齊上主兵

冬十有二月癸亥朔日有食之無傳

傳二十六年春晉士蔦爲大司空大司空卿官

大司空卿官○正義曰傳於比年以來說士蔦爲獻公設計晉國以安今又言大司空明任以卿位也直言司空者是大夫卽司空亞旅皆受一命之服是也晉自文公以後世爲盟主征伐諸國卿以軍將爲名司空非復卿官故文二年司空士穀非卿也雖則非卿職掌不異成十八年傳曰右行辛爲司空使修士蔦之法是
夏士蔦城絳以深其宮絳晉所都也今平陽絳邑縣
秋虢人侵晉冬虢人又侵晉



爲傳明年晉將伐虢張本此年經傳各自言其事者或經是直文或策書雖存而簡牘散落不究其本末

故傳不復申解但言傳事而已牘徒木反究音救復扶又反解居蟹反

疏爲傳至而已○正義曰此年傳不解經經傳各自言事伐戎日食體例已舉或可經是直文不須

傳說曹殺大夫宋齊伐徐或須說其所以此去丘明已遠或是簡牘散落不復能知故耳上二十年亦傳不解經彼經皆是直文故
就此一說言下以明上

經二十有七年春公會杞伯姬于洮伯姬莊公女洮

魯地
洮徒洮反
疏伯姬莊公女○正義曰上二十五

是莊公女也會女非常
故於此言女以辨之

夏六月會齊侯宋公陳侯鄭伯同盟于幽

秋公子友如陳葬原仲原仲陳大夫原是仲字也禮

臣既卒不名故稱字季友違禮會外大夫葬具見其

事亦所以知譏 **疏** 原仲至知譏 正義曰

夫沒矣則稱諡若字桓二年穀梁傳曰子既死父不

忍稱其名臣既死君不忍稱其名是禮臣卒不名陳

人不稱其名故

魯史亦書其字

冬杞伯姬來 **傳** 例曰歸寧

莒慶來逆叔姬 **傳** 無傳慶莒大夫叔姬莊公女卿自為

逆則稱字例在宣五年 偽反

杞伯來朝 **傳** 無傳杞稱伯者蓋為時王所黜 黜勅

公會杞侯莒子盟于曲池自爾以來不見經傳從此

稱伯終於春秋故云蓋為時王所黜於

時周王當桓莊僖惠不知何王黜之

公會齊侯于城濮 **傳** 無傳城濮衛地將討衛也 音卜

傳二十七年春公會杞伯姬于洮非事也 **傳** 非諸侯

之事天子非展義不巡守 **傳** 天子巡守所以宣布德

義諸侯非民事不舉卿非君命不越竟 音境 **夏同**

盟于幽陳鄭服也 **傳** 二十二年陳亂而齊納敬仲二

十五年鄭文公之四年獲成於楚皆有二心於齊今

始服也無不服之狀此言其服故註者原之二十

一年鄭厲公卒二十五年是鄭文公之四年也文十七年傳稱鄭子家與趙宣子書云文公四年二月壬戌為齊侵蔡亦獲成於楚是二十五年既與楚平故至此始服也


○秋公子友如陳葬原仲非禮也原仲季友之舊也○冬杞伯姬來歸

寧也寧問父母安否凡諸侯之女歸寧曰來出曰

來歸歸不反之辭夫人歸寧曰如某出曰歸于某

凡諸侯至于某○正義曰釋例曰歸寧者女子既嫁有時而歸問父母之寧否父母沒則使卿歸問

兄弟也出者謂犯七出而見絕者也歸者有所往之稱來者有所反之言故嫁謂之歸而寧謂之來見絕而出則以來歸為辭來而不反也如某者非終安之稱歸于某者亦不反之辭是解其文異之意也此杞



伯姬寧也宣十六年鄉伯姬來歸出也文九年夫人姜氏如齊歸寧也魯之夫人無被出者文十八年夫人姜氏歸于齊雖于死自去歸而不反亦出之類故與出文同○晉侯將伐虢士蔿

曰不可虢公驕若驟得勝於我必棄其民棄民不

養之無眾而後伐之欲禦我誰與夫禮樂慈愛戰所

畜也夫民讓事樂和愛親哀喪而後可用也上之

使民以義讓哀樂為本言不可力强畜勅六反下及註皆同哀樂

音洛強夫禮至用也○正義曰禮樂慈愛謂國君

其丈反教民民間有此四者畜聚此事然後可與

人戰故云戰所畜也士為既言其目更以其義覆之禮尚謙讓讓事謂禮也樂以和親樂和謂樂也慈謂

愛之深也愛親謂慈也愛極然後哀喪哀喪謂愛也民間有此四事然後可以用戰虢弗畜也

亟戰將饑

言號不畜義讓而力戰

○亟欺冀反饑居疑反又音機

○王使召伯廖賜齊侯命

召伯廖王卿士賜命為

侯伯

○召音邵廖力彫反

召伯

至侯伯

○正義曰

召伯稱

也當在西都畿內釋例曰扶風雍縣東南有召亭也春秋時召伯猶是召公之後西都既已賜秦則東都別有召地不復知其所在僖二十八年傳稱王命尹氏王子虎策命晉侯為侯伯則知此賜齊侯命者亦賜命為侯伯也彼註云周禮九命作伯則此亦九命之伯謂九州之長為二伯也僖元年傳曰凡侯伯救患分災討罪禮也註云侯伯州長也彼上說齊桓之事亦謂九州之長非州牧也言州長者兼見州牧之事耳

且請伐衛以其立子頹也

立子頹在十九年

經二十有八年春王三月甲寅齊人伐衛衛人及齊人

戰衛人敗績

齊侯稱人者諱取賂而還以賤者告

不地者史失之

齊侯

至失之

○正義曰傳稱齊

告也詩美僖公之伐淮夷得其元龜象齒大路南金襄十一年傳稱晉侯伐鄭受鄭之賂告于諸侯皆不以爲諱而此諱之者彼服罪致賂乃以得賂爲榮此舍罪受賂故以受之爲恥會于稷舍宋督取郟鼎亦此之類也戰皆書地此獨不地知是史失之也莊十年公羊傳曰戰不言伐圍不言戰入不言圍滅不言入書其重者左無此義而泓韓鞏邲令狐河曲鄆陵城濮大棘彭衙長岸柏舉之屬皆書戰不書伐此書伐又書戰襄十八年諸侯同圍齊言圍不言伐文十五年晉卻缺伐蔡戊申入蔡書伐又書入丘明無文杜不爲說皆是從告而書史有詳畧無義例也此經既言齊人伐衛不言齊及衛戰而言衛人及齊人戰者公羊以爲伐人者爲客被伐者爲主以主及客故使衛人主齊尋案經傳令狐河曲大棘彭衙長岸泓

韓之屬皆以主及客也乾時升陞及鞏皆魯與人戰以魯為主城濮鄢陵與邲外楚而內晉也柏舉內蔡而外楚也被代為主或如公羊之說

夏四月丁未邾子貜卒○瑣素果

反

秋荆伐鄭公會齊人宋人救鄭

冬築郿○郿魯下邑傳例曰邑曰築○郿亡○郿魯

○正義曰國都為上邑為下故云魯下邑成十八年築鹿囿傳曰書不時也此傳唯發城築之例不言時與不時者春秋重土功無備而興作者傳每事各言時與不時以別有所備禦如書早雩之別過雩也其有所畏懼而興作者唯一發而已襄十九年城西郿傳曰懼齊也是其事也此年大無麥禾時歲饑虛恐

或侵伐故築之以備難從西郿之例故不發傳也

大無麥禾○書於冬者五穀畢入計食不足而後書也

○正義曰麥熟於夏禾成在秋而書於冬者計食不足而後總書之此年不言水旱而得無麥禾者服虔曰陰陽不和土氣不養故禾麥不成也傳言饑而經不書者得齊之糴救民之急不

至於饑也傳言饑者指未糴之前說告糴之意故言饑也臧孫辰告糴于齊○臧孫辰魯大夫臧文仲

○糴徒歷反○糴徒歷反○糴徒歷反

告糴者將貨財告齊以買穀魯語云文仲以鬯圭與玉磬如齊告糴曰不腆先君之敝器敢告滯積以紓執事齊人歸其玉而與之糴公羊傳曰何以不稱使以為臧孫辰之私行也君子之為國也必有三年之委一年不熟告糴譏也穀梁亦然據經魯臣出使例不言使何以當怪此也傳言告糴禮也必不得如二

春秋流

卷之十七

及古閣

傳之說服虔云不言如重穀急辭以其情急於糴故不言如齊告糴乞師則情緩於穀故云如楚乞師○
臧孫至文仲○正義曰世本孝公生僖伯彊彊生哀伯達達生伯氏餅餅生文仲辰辰是臧僖伯曾孫

傳二十八年春齊侯伐衛戰敗衛師數之以王命取

賂而還○晉獻公娶于賈無子**賈**姬姓國也烝於


齊姜**齊姜**武公妾○烝之承反**生**秦穆夫人及太子申

生又娶二女於戎大戎狐姬生仲耳**大戎**唐叔子

孫別在戎狄者○重直**大戎**至狄者○正義曰伯行之子實生重耳

又曰狐偃其舅也**小戎**子生夷吾**小戎**允姓之戎子女也

小戎至女也○正義曰昭九年傳稱晉率陰戎伐潁王使辭於晉曰先王居



檇杙于四裔故允姓之姦居于瓜州知戎為允姓也凡言子者通男女也知子謂女也二戎相對為大小也

晉伐驪戎驪戎男女以驪姬**驪戎**在京兆新豐縣其君姬姓其爵男也納女於人曰女○驪力知反女以昵據反

註曰歸生奚齊其姊生卓子驪姬嬖欲立其子賂外

嬖梁五與東關嬖五**梁**姓梁名五在閨闈之外者東

關嬖五別在關塞者亦名五皆大夫為獻公所嬖幸

視聽外事○卓勅角反閨音圭**使**言於公曰曲沃君

之宗也**曲沃**桓叔所封先君宗廟所在蒲與二屈

君之疆也**蒲**今平陽蒲子縣二屈今平陽北屈縣

或云二當為北

○屈求勿反一音居勿反疆居良反下同

不可以無主宗

邑無主則民不威疆場無主則啓戎心戎之生心民

慢其政國之患也若使天子主曲沃而重耳夷吾主

蒲與屈則可以威民而懼戎且旌君伐旌章也伐

功也音亦使俱曰狄之廣莫於晉為都晉之啓土不

亦宜乎音亦廣莫狄地之曠絕也即謂蒲子比屈也言

遣二公子出都之則晉方當大開土界獻公未決故

復使二五俱說此美○復扶又反晉侯說之夏使天子居

曲沃重耳居蒲城夷吾居屈羣公子皆鄙鄙邊邑

○說音悅唯二姬之子在絳二五卒與驪姬譖羣公子而

立奚齊晉人謂之二五耦二耜相耦廣一尺共起

一伐言二人俱共墾傷晉室若此○譖責鳩反耜音似廣古曠反墾苦

狠反○楚令尹子元欲蠱文夫人文王夫人息媯也


子元文王弟蠱惑以淫事○蠱音古惑也蠱文夫人○正

稱周易女惑男謂之蠱知蠱謂惑以淫事為館於其宮側而振萬焉振

動也萬舞也夫人聞之泣曰先君以是舞也習戎備

也今令尹不尋諸仇讐而於未亡人之側不亦異乎

尋用也婦人既寡自稱未亡人御人以告子元



御人夫人之侍人子元曰婦人不忘襲讐我反忘之

秋子元以車六百乘伐鄭入于桔柣之門桔柣鄭

遠郊之門也○乘繩證反桔戶

門矣又云入自純門又是入一門矣復言縣門不發

則更有一門矣不發是城門則知純門外郭門桔柣

遠郊門也尚書費誓序云子元闚御疆闢梧耿之不

東郊弗開是郊有門也子元闚御疆闢梧耿之不

比爲旆子元自與三子特建旆以居前緇廣充幅

長尋曰旆繼旆曰旆○御魚呂反本亦作禦下註反

吾比并里反旆蒲頂禦同疆其良反又居良反梧音

反長直亮反旆音兆旆之次旆最在先故宣十二

年傳稱令尹南轅反旆是旆居前而殿在後也釋文

云緇廣充幅長尋曰旆繼旆曰旆郭璞云旆帛全幅

旆未爲燕尾者長八尺旆帛續

爲反禦○殿丁衆車入自純門及達市三子在後

郭門也達市郭內道上市○純如字縣門不發楚言

而出子元曰鄭有人焉縣門施於內城門鄭示楚


以閒暇故不閉城門出兵而效楚言故子元畏之不

敢進○縣音諸侯救鄭楚師夜遁鄭人將奔桐丘○

許昌縣東北有桐丘城○遁徒謀告曰楚幕有烏乃

止○謀音謀間也幕帳也○謀音謀幕音○冬饑臧孫辰

告糴于齊禮也經書大無麥禾傳言饑傳又先書



饑在築郿上者說始糴經在下須得糴嫌或諱饑故曰禮○築郿非都也凡邑有宗廟先君之主曰都無

曰邑邑曰築都曰城周禮四縣為都四井為邑然

宗廟所在則雖邑曰都尊之也言凡邑則他築非例


疏周禮至非例○正義曰周禮小司徒職云九夫為井四井為邑四邑為丘四丘為甸四甸為縣四

縣為都註引此者以證都大邑小耳經傳之言都邑者非是都則四縣邑皆四井此傳所發乃為小邑發

例大者皆名都則悉書曰城小邑有宗廟則雖小曰都無乃為邑邑則曰築都則曰城為尊宗廟故小

邑與大都同名釋例曰若邑有先君宗廟雖小曰都尊其所居而大之也然則都而無廟固宜稱城漆

是也而潁氏唯繫於有先君之廟患漆本非魯邑因說曰漆有邾之舊廟是使魯人尊邾之廢廟與先君



同非經傳義也又解傳言凡邑則主為邑言則他築非例也若築臺築囿築王姬之館則皆稱為築無大小之異

經二十有九年春新延廡傳例曰書不時言新者皆

舊物不可用更造之辭○廡居傳例至之辭○

謂之廡延是廡之名各之曰延其義不可知也公羊傳曰新延廡者何修舊也謂舊廡敝壞不可因而補

治故言新為更造之辭也傳言新作延廡而經無作字僖二十年新作南門定二年新作雉門及兩觀皆

言新作而此獨無作是作傳之後轉寫闕文也釋例曰言新意所起言作以與事通謂興起功役之事也

總而言之不復分別因舊而與造新也經書延廡稱新而不言作傳言新作延廡書不時也此稱經文而

以不時為饑義不在作也然尋傳足以知經闕作字也而劉賈云言新有故木言作有新木延廡不書作

所用之木非公命也凡諸興造固當有新固當有因今為春秋微義直記別此門此觀有新木故木既已鄙近且材木者立廢之具也公命立廢則眾用皆隨之矣焉有所用之木非公命也此為匠人受命立廢而盜共其用豈然乎哉

夏鄭人侵許傳例曰無鍾鼓曰侵

秋有蜚傳例為災○蜚扶味反

冬十有二月紀叔姬卒無傳紀國雖滅叔姬執節守義故繫之紀賢而錄之

城諸及防諸防皆魯邑傳例曰書時也諸非備難而

興作傳皆重云時以釋之他皆放此諸今城陽縣難



乃旦反重城諸及防○正義曰此言城諸及防文直用反十二年城諸及鄆定十四年城莒父及齊襄十年傳晉師城梧及制同時城二邑者皆言及穀梁傳曰以大及小也何休云諸君邑防臣邑言及別君臣之義賈逵云言及先後之辭杜不為註先後之辭是也

傳二十九年春新作延廡書不時也經無作字蓋

闕凡馬日中而出日中而入日中春秋分也治廡

當以秋分因馬向入而修之今以春作故曰不時○

許亮反本長短與夜中分故春秋二節謂之春分

或作嚮釋例曰春秋分而晝夜等謂之日中凡馬春

分百草始繁則牧於坰野秋分農功始藏水寒草枯則皆還廡此周典之制也今春而作廡○夏鄭人侵已失民務又違馬節故曰書不時也

許凡師有鍾鼓曰伐註聲其罪無曰侵註鍾鼓無聲

輕曰襲註掩其不備註政反註凡師至曰襲註○正義

師旅討罪之名也鳴鍾鼓以聲其過曰伐寢鍾鼓以

入其竟曰侵掩其不備曰襲此所以別與師用兵之

狀也然則春秋之世兵加於人唯此三名擊鼓斬木

俱名爲伐鳴鍾鼓聲其罪往討伐之若擊鼓斬木然

侵者加陵之意寢其鍾鼓潛入其竟往侵陵之襲者

重衣之名倍道輕行掩其不備忽然而至若被衣然

立此三名制討罪之等級也周禮大司馬掌九伐之

法賊賢害民則伐之負固不服則侵之天子討罪無

掩襲之事唯侵伐二名名與禮合而禮更有七名馮

弱犯寡則告之暴內凌外則壇之野荒民散則削之

賊殺其親則正之放弑其君則殘之犯令陵政則社

之內外亂鳥獸行則滅之彼謂王者行兵此據當時

實事時無其事則傳不爲例註○秋有蜚爲災也凡物

其滅與人爲例故不列於此

不爲災不書○冬十二月城諸及防書時也凡土功

龍見而畢務戒事也註謂今九月周十一月龍星角

亢晨見東方三務始畢戒民以土功事註○見賢遍反

苦滂反註凡土至畢務註○正義曰釋例曰都邑者人

又音剛註之聚也國家之藩衛百姓之保障不固則


敗不修則壞故雖不臨寇必於農隙備其守禦無妨

民務傳曰龍見而畢務戒事也謂夏之九月周之十
一月龍星角亢晨見東方於是納其禾稼三務始畢
而戒民以土功事也火見而致用大火星次角亢而
晨見於是致其用也水昏正而裁謂夏之十月定星
昏而中於是樹板幹而興作焉日至而畢謂日既南
至微陽始動故土功息傳既顯稱凡例而書時書不
時名重發者皆以別無備而興作如書旱雩之別過
雩也若城西郭傳特曰懼齊此其意也然則此發例
者止謂預修備禦非有當時之急故擇間月而爲之

若當時有急則不拘此制畢者竟也畢務謂農務竟而民間也日至而畢謂土功竟也冬至之後當更修來年農事不得復興土功也○**謂今至功事**○正義曰今之九月則季秋也月令季秋之月日在房漢書律歷志論星之度數云角十二亢九氏十五自角之初至房初三十六度晨謂夜之將旦於晨之時日體在房故角亢見在東方也東方之宿盡為龍星角即蒼龍角也故角亢專得龍名戒謂令語之也春夏秋三時之務始畢民將閒暇故預**火見而致用**大令語民將有土功之事使自備也

火心星次角亢見者致築作之物**疏**○**大火至之物**年傳曰心為大火星度心五尾十八月令孟冬之月日在尾自心初至於尾末二十三度十月之初心星次角亢之後而晨見東方也致築作之物謂**水昏正**板幹畚楬諸是城之所用皆致之於作所也

而栽**謂今十月定星昏而中於是樹板幹而興作**



○栽字林才代反一音再說**疏**謂今至興作○正文云築牆長板定多佞反**疏**謂今至興作○正

北方之宿為水星言水昏正者夜之初昏水星有正中者耳非北方七宿皆正中也詩云定之方中作于楚宮釋天云營室謂之定孫炎云定正也天下作宮室者皆以營室為正周語云營室之中土功其始是定星昏而正中時也鄭玄詩箋云定星昏中而正謂小雪時小雪十月之中氣月令仲冬之月昏東壁中室十六度日行一度是十月半而室中十一月初而壁中禮記中庸云栽者培之栽者樹立之語故知樹板榦而起首興作也釋詁云榦榦榦也舍人曰榦正也築牆所立兩木也榦所以當牆之兩邊鄭土者也然則榦在牆之兩端樹立之即榦是也榦則在兩邊鄭土即板是也板榦既與而**日至而畢**日南至微陽云樹板榦者因類連言耳

始動故土功息○**樊皮叛王****樊皮周大夫樊其采**

地皮名

經三十年春王正月

夏次于成

無傳將甲師少故直言次齊將降鄆故設

備○將甲子匠反降戶江反

義曰於例將甲師少

稱人人謂大夫身也大夫甲名氏不見故稱人他國

可言某人魯事不得自稱魯人故魯之大夫使出者

皆言其所為之事而已此大夫帥師而次于成故直

言次也穀梁傳曰次止也有畏也欲救鄆而不能是

為降鄆故

秋七月齊人降鄆

無傳鄆紀附庸國東平無鹽縣東

北有鄆城小國孤危不能自固蓋齊遙以兵威脅使

降附

鄆紀之遺邑也釋例曰劉賈依二傳以為鄆

紀之遺邑計紀侯去國至此二十七年紀侯猶不堪

齊而去則邑不得獨存此蓋附庸小國若鄆者也

是言鄆為附庸之意不言鄆降于齊而云齊人

八月癸亥葬紀叔姬

無傳以賢錄也無臣子故不作

諡

九月庚午朔日有食之鼓用牲于社

無傳

冬公及齊侯遇于魯濟

濟水歷齊魯界在齊界為齊

濟在魯界為魯濟蓋魯地

禮反

○正義曰釋例

濟水至魯地

日濟水自滎陽卷縣東經陳留至濟陰北經高平東

平至濟北東北經濟南至樂安博昌縣入海案高平

家火危

卷之二十五

東平魯西界也濟南樂安齊竟內也指言魯濟故疑魯地遇于魯地濟水之邊

齊人伐山戎山戎北狄

傳三十年春王命虢公討樊皮夏四月丙辰虢公入

樊執樊仲皮歸于京師○楚公子元歸自伐鄭而處


王宮欲遂蠱文夫人鬪射師諫則執而梏之射

師鬪廉也足曰桎手曰梏射食亦反又食夜反梏苦毒反桎之實反

射師至曰梏○正義曰杜此註與譜並以射師與鬪廉為一人不知何據也服虔云射師若敖子鬪班也射師被梏不言舍之何以得殺子元也知射師與

班必非一人也杜譜以為鬪射師若敖子鬪班若敖孫周禮掌囚上罪梏拳而桎中罪桎梏下罪梏梏拳

異文拳施於手知梏亦手也鄭玄亦云在手曰梏在



足曰桎是先儒同此說也易大畜六四童牛之梏牛云梏者牛雖無手謂梏前足也○秋申公

鬪班殺子元申楚縣楚僭號縣尹皆稱公○僭子

鬪穀於菟為令尹自毀其家以紓楚國之難鬪穀

於菟令尹子文也毀滅紓緩也穀奴走反楚人謂乳曰穀漢書作穀音

同於音烏菟音徒紓音舒一音直汝反難乃旦反下註同○冬遇于魯濟謀山戎

也以其病燕故也齊桓行霸故欲為燕謀難燕國

今薊縣為于僞反薊音計

經三十有一年春築臺于郎無傳刺奢且非土功之

時刺七賜反

夏四月薛伯卒無傳未同盟

築臺于薛無傳薛魯地

六月齊侯來獻戎捷傳例曰諸侯不相遺俘捷獲也

獻奉上之辭齊侯以獻捷禮來故書以示過○捷在妾反遺

唯季反傳傳例至示過○正義曰捷勝也戰勝

同俘音孚而有獲獻其獲故以捷為獲也釋例曰

歸者遺也獻者自下奉上之稱遺者敵體相與之辭

傳曰諸侯不相遺俘齊侯楚人失辭稱獻失禮遺俘

故因其來辭見自卑也以其大甲故書以示過此經

言獻捷傳言遺俘則是獻捷獻囚俘也襄八年邢丘

之會傳稱鄭伯獻捷于會又曰獲司馬變獻于邢丘

是獻俘謂之捷也襄二十五年鄭公孫舍之帥師入

陳傳稱司空致地司徒致民是不以俘囚歸也亦云

子產獻捷于晉然則無囚而獻其功空有器物亦稱

秋築臺于秦無傳東平范縣西北有秦亭

冬不雨無傳不書旱不為災例在僖三年

傳三十一年夏六月齊侯來獻戎捷非禮也凡諸侯

有四夷之功則獻于王王以警于夷以警懼夷狄

○警音景中國則否諸侯不相遺俘雖夷狄俘猶

不以相遺

經三十有二年春城小穀小穀齊邑濟北穀城縣城

中有管仲井大都以名通者則不繫國繫國○正


義曰傳稱爲管仲知是齊邑管仲所食采邑也吳滅州來晉滅下陽如此之類皆不繫國知大都以名通者則不繫國也華亥向寧入于宋南里以叛南里非大都不得以名通故繫之宋耳賈逵云不繫齊者世其祿然則彼不繫者豈皆世其祿乎

夏宋公齊侯遇于梁丘註齊善宋之請見故進其班梁丘在高平昌邑縣西南

秋七月癸巳公子牙卒註牙慶父同母弟僖叔也飲醢而死不以罪告故得書卒書日者公有疾不責公不與小斂

○醢音鳩本亦作鳩與音預斂力艷反

八月癸亥公薨于路寢註路寢正寢也公薨皆書其所



詳凶變註路寢至凶變○正義曰公羊傳曰路寢之手婦人不死於男子之手君夫人卒於路寢鄭玄云言死必於正處也是薨于路寢得其正也言詳凶變者釋例云詳內事謹凶變

冬十月己未子般卒註子般莊公太子先君未葬故不稱爵不言殺諱之也

○般音班殺音弑一音如字下同

正義曰傳稱公疾問後於叔牙若已有太子則不應須問當問之時似未有太子也季友以死奉般醢殺叔牙蓋於爾時始命爲太子公薨而般立知其爲太子也子惡之死也直書子卒不書名此子般及子野皆書名者釋例曰公子惡魯之正適嗣位免喪則魯君也襄仲倚齊而弑之國以爲諱故不稱君若言君之子也及子般子野或見殺或不勝喪言罪則不足成貶爲孝而滅性故直畧而書卒也又曰未成君而

卒若君未葬則嗣子書名在喪之禮也既喪則嗣君諒闇羣臣復吉免喪則成君也文公既葬襄仲殺惡及視書曰子卒與未成君同文所以為諱也如杜此言未葬之前生則直稱為子死則書曰子某卒猶外諸侯生稱其爵死書其名以為禮之常也既葬則嗣子成君以禮而卒當稱公薨全成君也子惡父既葬魯人諱其弒不得稱君其實已葬不得從子般子野未葬之例故書子卒而不稱名以示似未成君其實已成為君上不得同閔公下不得同般野故直書為子繫之於父若言君之子也公羊以為君存稱世子君薨稱子某既葬稱子踰年稱公據子般子野卒似欲當然但左氏稱宋桓公卒未葬而襄公會諸侯故曰子即發例曰凡在喪公侯曰子是未葬稱子傳之明文不得如公羊說也

公子慶父如齊

無傳慶父既殺子般季友出奔國人

不與故懼而適齊欲以求援時無君假赴告之禮而

行

狄伐邢

無傳邢國在廣平襄國縣

疏

狄伐邢註無傳○正義曰明年

有傳而言無者明年自為管仲之言發端耳非說此年伐邢之事故言無傳

傳三十二年春城小穀為管仲也

公感齊桓之德

故為管仲城私邑

○為于偽反註及下同

○齊侯為楚伐鄭之

故請會于諸侯

楚伐鄭在二十八年謀為鄭報楚

宋公請先見于齊侯夏遇于梁丘

○見賢遍反又如字

○秋七

月有神降于莘


有神聲以接人莘號地

○莘所

疏

有神至號地○正義曰易稱神也者妙萬物而為言者也雖復鬼神之神亦無形象可見今言神降則

人皆聞知故知有神謂有神聲以接人也吳孫權時有神自稱王表言語與人無異而形不可見今此神降于莘蓋亦王表之類神者氣也當在人上今下接人故稱降也國語說此事稱內史過對王云昔昭王娶於房曰房后實有爽德協於丹朱丹朱馮身以儀之生穆王焉若由是觀之其丹朱之神乎下說神居莘而號公請土內史過往聞號請命知莘是號地惠王問諸內史過曰是何故也內史過周大夫對曰國之將興明神降之監其德也將亡神又降之觀其惡也故有得神以興亦有以亡虞夏商周皆有之亦有神異監作鑑古虞夏商周皆有之正義曰國語內史過暫反曰夏之興也祝融降於崇山其亡也向祿信於黔隧商之興也禱杙次於丕山其亡也夷羊在牧周之興也鸞鷲鳴於岐山其衰也杜伯射宣王於



鎬是夏商周之所有也其虞則國語不言焉未知其所謂也服虔云虞舜祖考來格鳳皇來儀百獸率舞案虞書夔說舜樂所致非神降也必其傳會尚書以為得神以興則虞舜得神以亡者又安在也王曰若之何對曰以其物享焉其至之日亦其物也

享祭也若以甲乙日至祭先脾玉用蒼服上青以此

類祭之脾婢享祭至祭之正義曰此降莘

史過令以其物享之其物不知所謂更以日至日釋之謂此神初降之日以其至日之物也月令春其日甲

乙夏其日丙丁中央土其日戊巳秋其日庚辛冬其日壬癸所用之物月令具有其文註引甲乙所用舉

一隅也丙丁日至祭用肺玉服皆赤也戊巳日至祭用心玉服皆黃也庚辛日至祭用肝玉服皆白也壬

癸日至祭用腎玉服皆玄也王從之內史過往聞號請命聞號

請於神求賜土田之命反曰號必亡矣虐而聽於神

神居莘六月神居莘六月○正義曰國語稱惠王十五年神降于莘年表惠王五年是魯莊公之十八年則此年惠王十五年也上云七月降神則今年七月降也居莘六月號公使祝史享焉則今年十二月也傳先說玉事使了後論號事以終內史亦十二月也

傳先說玉事使了後論號事以終內史

之文倒耳**號公使祝應宗區史囂享焉神賜之土田**

祝大祝宗宗人史太史應區囂皆名

○區丘于反囂五中反大祝音

泰下**史囂曰號其亡乎吾聞之國將興聽於民**

政**政**

同**順民心將亡聽於神**求福於神神聰明正直而壹者也依人而行

唯德是與號多京德其何土之能

得涼薄也為僖二年晉滅下陽傳○涼神聰至

正義曰國語曰耳目心之樞機也故必聰和而視正聽和則聰視正則明然則所謂聰明者不聽淫辭不

視邪人之謂也襄七年傳曰正直為正正曲為直言

正者能自正直者能正人曲而壹者言其一心不二

意也依人而行謂善則就之惡則去之號多薄德神

所不依其何土之能得言賜之土田必虛妄也若神

所不依則不應賜土而言神賜之土田者神厭其人

不告以實猶晉獻公筮以驪姬為夫人亦云吉耳


初公築臺臨黨氏黨氏魯大夫築臺不書不告

廟○黨音堂**見孟任從之闕**孟任黨氏女闕不從公

音從之闕○正義曰服虔**而以夫人言許之**

音從之闕云從之言欲與通也**許**

以為夫人割臂盟公生子般焉雲講于梁氏女公子



觀之註零祭天也講肄也梁氏魯大夫女公子子般

妹○肄音四註零祭至肄也○正義曰魯以周公

四年傳曰臣以為肄業及註之故得郊祀上天故零亦祭天也文

之也肄為習業故講為肄圍人掌自牆外與之戲註

圍人掌養馬者以慢言戲之○犖音洛註圍人掌

正義曰周禮圍人掌養馬芻牧之又力角反註養馬者○

事昭七年傳曰馬有圍牛有牧子般怒使鞭之公


曰不如殺之是不可鞭犖有力焉能投蓋于稷門註

蓋覆也稷門魯南城門走而自投接其屋之牖反覆

門上○覆芳註蓋覆至門上○正義曰稷門為魯

蓋者謂自投其身以蓋物故以為走而自投反覆門

上劉炫規過云公言犖有力焉如杜此說勁捷耳非



有力也當謂投車蓋過於稷門今知不然者周禮車

蓋以物帛為之輕而帆風非可投之物且傳直云投

蓋于稷門不云過稷門明知自投反覆稷門之上今

時猶然且游楚超乘而出女曰子南夫也勁捷之

人亦是勇力之事劉君以公疾問後於叔牙對曰慶

父材註蓋欲進其同母兄問於季友對曰臣以死奉

般註季友莊公母弟故欲立般公曰鄉者牙曰慶父

材成季使以君命命僖叔待于鍼巫氏註成季季友

也鍼巫氏魯大夫○鄉許亮反使鍼季醜之註醜鳥

名其羽有毒以晝酒飲之則死○畫註醜鳥至則

說文云醜毒鳥也一名運日廣雅云鳩鳥雄曰運日

雌曰陰諧廣志云鳩鳥形似鷹大如鷄毛黑喙長七

八寸黃赤如金食蛇及椽實常居高山巔晉語諸公讚云鳩鳥食螻以羽翮樂酒水中飲之則殺人舊制鳩不得渡江有重法石崇為南中郎得鳩以與王愷養之大如鵝喙長尺餘純食蛇虺司隸傅祗於愷家得此鳥奏之宣示百官燒於都街是說鳩鳥之狀也以其因酒毒人故字或為醜

有後於魯國不然死且無後飲之歸及遼泉而卒立

叔孫氏國達泉魯地不以罪誅故得立後世其祿○

八月癸亥公薨于路寢子般即位次于黨氏國即喪

位次舍也○冬十月巳未共仲使圉人犖賊子般于

黨氏國共仲慶父音恭成季奔陳國出奔不書國亂

史失之立閔公國閔公莊公庶子於是年八歲○閔

亡謹

反國閔公至八歲○正義曰傳稱閔公哀姜之娣適俱行當以二十五年生子故云八歲

疏卷第十 終



春秋左傳註疏卷第十一

閔元年 盡二年

晉杜氏註

唐孔穎達疏

閔公

○陸曰閔公名啓方莊公之子母叔姜史記云名開諡法在國遭難曰閔
閔公名開莊公之子惠王十六年卽位杜世族譜云名啓方漢景帝諱啓啓開因是而亂杜譜云啓方從世本文諡法在國逢難曰閔是歲歲在大梁

經元年春王正月

齊人救邢

夏六月辛酉葬我君莊公

春秋左傳

卷之十一

及古